



## 11. Tschanteda da la suprastanza cumünela in marculdi, ils 8.7.2015 a las 19.00 in chesa cumünela S-chanf

**Presidi:** Gian Andrea Bott

**Preschaints:** Paolo Bernasconi, Jnes Barblan, Liun Quadri

**Absaints:** Duri Campell

**Actuar:** Duri Schwenninger

---

### Tractandas:

1. Protocol
2. 0.211 Dumandas da fabrica
3. 6.200 Adattamaint pendenza da la via quartier Chapella, decisiun per varianta e surdeda da lavuors
4. 0.209 Walter A. Bechtler Stiftung, dumanda per installaziun d'üna preschantaziun da dias i'l local Som Somvih
5. 0.209 Corporaziun evangelica, contrat per l'administraziun da la chesa Pravenda
6. 9.999 Varia

La glista da tractandas vain approveda sainza objecziuns.

**Protocol:** Il protocol da la tschanteda dals 09.06.2015 vain approvo unanimamaing.

### **90 0.211 Dumanda da fabrica Bernasconi Caroline e Paolo, ingrandimaint dal cuntschet da protecziun e nouv serragl per chavals**

Caroline e Paolo Bernasconi haun inoltro üna dumanda da fabrica BAB per ingrandir il cuntschet da protecziun ed eriger ün nouv serragl per chavals sün parcella nr. 738 in Grischuns. Zieva chi'd es avaunt maun il permiss da l'uffizi per il svilup dal territori decida la suprastanza cun 3 cunter 0 vuschs da conceder il permiss da fabrica cun las medemmas pretaisas e cundiziuns scu cha'ls uffizis chantunels haun fat. Paolo Bernasconi s'ho absanto per quista tractanda.

### **91 6.200 Vias e piazzas cumünelas Adattamaint pendenza da la via quartier Chapella, decisiun per varianta e surdeda da lavuors**

Il depüto spiega, cha minch'inviern do que problems cun glatsch sün la via tar la chesa Largiadèr a Chapella, siand cha la pendenza da la via in quel lö es incuntraria. Quel

maungel chaschuna minch'an cuosts cun chaver püssas voutas il glatsch. Zieva cuorta discussiun decida la suprastanza per la varianta cun allontaner il catram e catramer nouv la via cun üna pendenza incuntraria, per cha l'ova possa culer davent vers la costa, e na vers la chesa. Inavaunt decida la suprastanza unanimamaing da surder la lavur a la firma HEW SA da Zernez pel predschi offert da fr. 34'009.15. La lavur dess gnir fatta al medem mumaint, cur cha'l proprietari da la chesa in vicinanza fo ils lavuors da fabrica.

**92 0.209 Contrats e cunvegns  
Walter A. Bechtler Stiftung, dumanda per installaziun d'üna  
preschantaziun da dias i'l local Som Somvih**

La suprastanza piglia cugnuschentscha da la dumanda da la Walter A. Bechtler Stiftung per installer la preschantaziun da dias "Surrli" i'l local in Som Somvih. Eir quist oget d'art fess part i'l ram da l'art Plaiv. Fin uossa d'eira in quel lö l'exposiziun "Chamerraum" chi'd es gnieu transferieu a la chesa d'art a Turich. Quella pudaiva gnir contemplada dad interessents tres la fnestra da la porta da garascha. Uossa gniss installo nouv üna preschantaziun da dias cun ün beamer. Zieva animeda discussiun decida la suprastanza unanimamaing d'aderir a la dumanda cun las seguaintas pretaisas: a dess gnir stipulo ün contrat cun üna düreda da 5 ans e siand cha l'edifizi stu gnir mantgnieu fand differents lavuors da mantegnimaint pretenda la suprastanza cha la fundaziun as partecipescha vi dals cuosts.

**93 0.209 Contrats e cunvegns  
Corporaziun evangelica, contrat per l'administraziun da la chesa  
Pravenda**

La suprastanza vaiva decis da propuoner a la radunanza cumünela da conceder la süerted a la corporaziun evangelica cun la cundiziun, cha l'administraziun cumünela fo l'administraziun da la chesa da Pravenda, respectivmaing da las abitaziuns. Uossa es avauant maun ün contrat chi regla las cumpetenzas scu eir las differentas lavuors. La corporaziun evangelica indemnisescha la lavur chi'd es regleda i'l contrat cun fr. 80.00/ l'ura. Zieva cha la suprastanza ho fat üna lectüra dal contrat decida quella unanimamaing d'accepter il contrat scu proposit. Il cussagl es però stut, cha'l termin da desditta la fin da gün nun es gnieu resguardo, respectivmaing a nun es gnieu fat bger per occuper las abitaziuns. Sül prossem termin ufficiel da desditta, es in mincha cas da fer tuot il pussibel per occuper las abitaziuns. Perque dess il contrat preschaint ir in vigur pü svelto pussibel per chi s'ho temp da preparar inserats e stipuler ils contrats per las abitaziuns.

**94 9.999 Varia**

Il vicepresidente orientescha, cha la nouva constituziun es gnida tramissa a la Regenza per l'approvaziun formela. Fin cha la Regenza ho approvo quella, vela quella transitoricamaing a partir da la decisiun da la radunanza, que vuol dir cha la gestiun da la vschinauncha vain orienteda già zieva la nouva constituziun. Per la suprastanza cumünela vuol que dir, chi nun exista pü il cussagl cumünel nempe la suprastanza cumünela e la cumpetenza finanziaela da la suprastanza cumünela es gnida uzeda sün fr. 25'000.00, pel medem oget e fin a fr. 5'000.00, scha que as tratta d'expensas chi's repetan annuelmaing. L'organisaziun cumünela vain adatteda zievamaun a la nouva constituziun.

La presidenta da la cumischiun da fabrica preschainta il plan da quartier "Resgia Chapella" e spiega ils differents müdamaints. La suprastanza es da l'avis, cha differents puncts staun gnir discuss cul planiseder ed eventuel adattos.

A las 20.50 vain la tschanteda alveda.

In buna fè

Il vicepresidente:

L'actuar:

G. A. Bott

D. Schwenninger